

官板

中外新報


千八百六十年  
咸豐九年十二月

18  
193  
8

0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

中外新報第八號

一千八百六十年  
九月初一日刊



甯波

浙甯 應思理 撰

近見廣人僑寓甯地者多行不法如窩賭宿娼勒人索錢  
包討錢票擒掠婦女種種思端無一不作至于開設烟館  
相望道左傷風敗俗莫此為甚今聞有被廣人害者業經  
上控于官

上海

外國人僑寓上海者較前為多貿易亦較前為盛但因明  
歲北京之事商家不無顧忌因兩國戰爭于商家未免有

昭和十五年  
五月十一日  
購求

碍

現有商家火輪船兩三只時經甯波福州廈門以至廣東香港其船俱可運貨載客予思本地商人欲往各處貿易者可趁是船以謀生業

日本

近聞外國人與日本通商暫行停止因有英商向日本人販買金錢稍有戲弄情事今英官與日本官會議理處迨理明後速行貿易

歐羅巴

近聞歐羅巴諸國群相齟齬未甚和好一因西班牙欲取

摩洛哥佛蘭西為之羽翼英吉利以摩在北亞美利加風馬牛不相及也無故而蠶食之于理殊不相合佛蘭西素推望國乃舉兵助虐誠不知為何意又因佛蘭西人欲于地中海與紅海相隔之處埃及國屬地開掘一條水路使二海相通以便船之來往高于埃及督臣督臣許之佛人已將石灰磚石等料採辦齊備以為築塘之用英人聞之恐是路一開佛人便于假道印度不無有礙印度為英屬地恐後為佛人所據也遂與土耳其相商因埃及為土耳其所屬也土君致書于埃及云是處不得允佛人開掘所有石灰等料速令飭回為要佛人知為英人之故以致不得操作自是與英大有釁隙最有甚

者為以大利之事佛蘭西曾舉兵與澳大利戰已詳前後罷兵議和諸國使官皆與焉現據澳君與佛君之意以為以太利一地爾我俱不得屬之除二省割與撒耳地尼亞外餘歸教王管轄蓋澳人盡崇洋教佛人大半崇之故欲教王兼理國事使之有權可以令人敬服維時英吉利普魯士俄羅斯皆不允是事以為教王宜理教務不得與理國事因三國皆不信教王之理且恐其兌權行勢貽害匪淺夫洋教之規不論入于何國必上交其君下結其民蓋其教理必籍權勢而行昔時流入中華與日本等處亦如是行焉今英普等國所以不允澳佛二君之議者誠欲削

其權勢使其教不得蔓延耳

十三年前英吉利使人百餘名駕船二只自大西洋向北而駛欲覓水路以達太平洋亦欲覓地于北極相近處以觀北方之風景二船中為首者名福爾蘭克蓮去後約二三年不反為存為沒杳莫之知復使他船追覓不遇花旂人聞之亦使船追覓終不見二船之迹後英人陸續着船去追約五六次究無其耗福之妻時望夫歸渴念不已二年前有友人助其資使人二十三名駕小火輪船一只復行追覓船中為首者名麥克令篤夏時起程向北而去經秋徂冬擇一羨處以行拋泊無如船被冰互約有數月船

中人出行冰路各處追尋杳無踪跡後冰為風解船仍互在冰塊中冰塊隨風向南飄去船亦隨冰向南而去約行至三千五百里冰塊消去船與冰離得以運動仍復回駛向北入郭哩蘭北方國名採辦食物遇有土人詢以十年前曾否見有英船至此土人答云未見後復向北而駛又遇一種土人詢之答云是處約有四五年不見各處船隻來往貴國之事我等並不知之小火輪船仍復駛行向北但駛行時不得揚帆速進只得遲遲而行因是地嚴冷海面多冰恐船觸之致被損壞後至一條狹海有一老嫗及其子為之引路迤邐而駛約駛至七八十里遇有土人之村即

于村中暫居七日與土人為友詢以前事村之土人亦答以不知并云是處不見船迹約有二三十年矣是處濱海利于捕鯨時見土人多有以鯨骨欲易英人之刀鋸等後小火輪船復行開駛至一小海島立碑是碑乃福爾蘭克蓮之妻煩伊等寄至是處立之碑中所鐫詳載其夫之事意蓋欲使經是路者覽之可知其夫始末立碑後小火輪船復至一處即以舢板拋置其中以防火船前進倘被損壞可將舢板回駛一路經行或于某處見有高山又于海面屢見有冰積如山浮于水上小火輪船每向冰山繫泊居至十一月之久時遇土人央之引路是處冬時過冷唯

春時可以出行，土人于冰上駕小車，以犬牽之，載英人往各處追尋，英人于路上以捕獸為食，行至一地，名維克多利亞，遇土人四十五名，中有福爾蘭克蓮船內物件，英人見而購之，并得土人告云：十年前有船二只，其一已壞，其一尚在京活立恆海島西北四五十里外，近于堅冰中。是與北極相近名又云：彼時有一隊人，經京活立恆向太魚江而去，後皆凍死于路中，又見土人中多有木料，詢之，答云：是物亦十年前船中人離船時所棄，我等拾而取之也。是時英人知有踪跡可尋，即回至小火輪船，束裝載道，定意欲至京活立恆去尋，回船時見相近處有二家建于冰



上，內有土人居焉，入其內，又見有鐵木等料，詢其所自，亦云：自彼船來，後英人遂駕土人冰車而去，一車有土人四名，牽之，一車有六犬牽之，至京活立恆海島，見島中或有冰屋，內無人居，至一村，約有土人三十名，其中亦有福爾蘭克蓮船內物件，是等土人性頗柔順，但好盜竊，後至一處，見有銅鐵等物，亦係福爾蘭克蓮船中之物，又至一處，見有一死屍之骨，其衣尚未腐朽，衣袋內有書札數封，半雖已腐，而書中字跡尚可摹擬，蓋是骨乃昔日船中庖人之骨也。又至一處，見數石堆，一小塔，塔上有孔，蓋昔時于塔中藏有物件，後被土人所取也。是時英人續有踪跡可

尋遂向前往太魚江追覓路上又見一塔較前稍大旁有幕帳三頂又有呢布及衣服等皆係福爾蘭克蓮船中之物塔中有玻璃瓶二俱已破碎又見有素紙散置蓋昔所封書札藏于瓶中者又與是塔相近處見有小旂英人自是知復有寔據可得仍向前而行又見一小塔但並無字跡過此又有一塔相近處有耒耜及馬口鐵器蓋昔所貯牛乳拋于其地者後又遇一塔相較最大外有馬口鐵器器內有書札札內云是塔乃福爾蘭克蓮船中人所建又云一船起程後行至赤道北七十七度船被冰沍某月日福爾蘭克蓮已死今至京活立恆海島百有五人為首者

名克爾羅自爾又云明日將于是處起程向南往太魚江又云書是札時有二十四人已死屈指其期約在十一年之前又見塔外周圍多有物件因土人尚未尋得是處故物件尚散置其間也英人即將書札收而藏之復行數里又見有書札一封內所書者亦如是云後又見大舢板一駕于冰車上蓋昔伊等離船時意欲脩以過京活立恆向南往太魚江至無冰之處可以浮水返國故也時見舢板內多有衣服衣服內有屍骨二一在船首一在船尾舢板旁有火鎗二挺倚十一年之久尚未顛扑又有火藥彈子貫于其中又見時辰表五以至一切銀物等後英人得有

寔據即行返棹，至今年三月前，至英回報，將所得書札等物出示于人，計其往返之期，約近二年之久矣。

英為天津負約之故，通國人民大半欲與中華決戰，惟有一種桂格爾人，以不戰為尚，桂格爾人，但抱煦煦之仁，不嗜殺人，國人亦莫之從也。現英之執政首相名栢爾麥爾，斯東與協辦大臣會議，一欲攻擊北京，後當再圖一欲攻擊中華全地，以伸殺伐之威，二人之議，尚未定奪，故兵船有已至者，有未至而尚在途中者，皆奉諭不得擅動，且待是議商定，然後措行。又佛雖亦欲與中華決戰，近因與英稍有齟齬，故佛兵至中華者較英為寡，英有本國之兵，亦

有天竺之兵

因天竺為英屬國，故其兵可以調遣。

天竺兵色黑，英兵色白，今

調赴中華者，約有黑白二種，又有最大武弁，駐劄天竺者，

雖經調遣，尚未起程，惟副將已自本國起程，至香港矣。

英有最大火輪船，造成後，試行于海，鐵管忽裂，曾斃五人，

已詳前號今已重修完善，復試行之，其速倍于他船，近聞將駛

至花旗，是船大可立人十萬，若為兵船之用，雖載兵萬名，

俱各有安枕之所，若為航船之用，每人一房，約可搭客千

名。

### 花旗

近聞花人多究氣球之理，三月前，有三人將前所試行之



氣球已詳前號復乘而上騰後騰至極高不知所經者何地將氣球下而認之乃素所未識者于是復將氣球上騰不料騰之過高球在雲中不見球之運動亦不知行之遲速迨一二日後將氣球下降乃已在北方極寒之地時見有土人恐為所害幸有花人在是地與土人貿易者告以地名給以食糧且導以歸路今聞是球已被壞矣又有一人獨乘氣球上騰騰至一日即下于地是人升降俱得無恙現據花人之意後將以氣球渡海無異于船或至英邦或至中華俱無不可

又聞花人與英人近有釁隙因葛拉巴相近處有一小海島花人以為花有英人以為英有各執己見兩相齟齬不知其事今已平否

亞非利加

前號云有麥哥羅羅人百二十名與李文思通往西境海濱二年後回至麥哥羅羅百二十人中有一妻已嫁他人者踰五六月又有麥哥羅羅人百名與李往東境海濱至時李乘火輪船回英百人在海濱相待迨李復來一同乘船入潺皮西江返麥哥羅羅至與未至今尚無耗前號所載少有舛誤故特附而正之



